



Ad yāmb yembr fāa, b tigimda a naanegã, a ma wã pugẽ rasem pis naase

Yii a Abu ‘Abd Ar-Rahmaan ‘Abd Allaah [bn Mas ‘uud nengẽ, (Wënd yard be a yĩnga), a yeelame: Wënd Tën-tuum yësa tõndo, (Wënd puusg la A tilgr be a yĩnga) yënda me la sid soaba, b sën köt a soab sida: «Ad yāmb yembr fāa, b tigimda a naanegã, a ma wã pugẽ rasem pis naase t'a yaa mani, rë poorë a yita zı-pelle woto buudu, rë poorë t'a yı nem gilgu woto buud yësa, rë poorë ti b tums malek a nengẽ, n sagl malekã ne goam a naase: t'a guls a rıtlã, la a vumã teka, la a tuumã, la a yaa zu-be- ned, maa zu-no-neda; la m wëen ne Wënd soab sën kae ti pa Yë wã, ad yām yem kam fāa tõe n wa tumda arzãn koamb tuuma, halı ti yë ne arzãnã suk wa pa yud kãntug ye, ti pulengã ra reng taoor ti yaa bugum biiga t'a tum Bugmã koamb tuumã, n tug n kã Bugmã».

[Naşun Şahuhun (Gom-sikdem sën manege)] [رواه البخاري ومسلم]

A [bn Mas’uud yeelame, Wënd Tën-tuuma, -Wënd puusg la A tilgr be a yĩnga-, yësa tõndo, yë me la sid soaba a gomd pugẽ, la b sën köt-a sida, bala Wënd meng n sidg-a, A yeelame ti yāmb ned a yembr fāa, woto yaa ti raoa sã n rat n kã ne a zak soaba, a mani ning sën sëeg n kã, b tigimd-a lame, pagã pugẽ, rasem pis-naase, t'a yaa mani, Rë poorë t'a lebg zı-pelle, yë me la zı-taoko, rë me yaa rasem pis-naas a yiib soaba, Rë poorë t'a lebg nem gilgu, yë me la nomd ning sën tigim taaba, t'a sek b na n maan sag-võre, la yāwã yaa rasem pis-naas a tãab soaba, Rë poorë, ti Wënd tums maleka t'a tug n fuus vumã n ning yõorã, rasem pis-naas a tãab soabã sëebë, La b sagenda malekã t'a guls gom-biis a naase : a rıtlã, a sën na n paam neemã yaa bõe, a vumã gilli, La a lagelã (yuumã): rë me la vumã woglem dũni pugẽ, La a tuumã sën na n yı a soaba, a yaa zu-be-neda maa a yaa zu-noog soaba Rë poorë, Nabiyaamã, -Wënd puusg la A tilgr be a yĩnga- wëename ti ad ned tõe n wa maan arzãn koamb tuuma, ti tuumdã yaa sõma, rat n yeel ti nebã gesg pugẽ, t'a kell n tall woto, halı ti yë ne arzãnã suka, bũmb ka be beenë rënda kãntuga, rat n yeel ti bũmb ning sën ket ti yë ta arzãnã, a ka yud zãrem sën be kãntug pug suk ye, ti pulengã wil yënda, wakat-kãngã t'a na n maan Bugmã koam tuumã, ti yëndã na n wa baas ne yel-kãngã, n tug n kã Bugmã; bala tuumã reegr sart-rãmbã yaa a tablg a zugu la a ra tedg ye, la a wilg ti kõbg a taab n be beenë, n na n maan Bugum tuuma, halı ti b wa pëneg Bugmã suka, bũmb ka be beenë rënda kãntug bala, la puleng rag n renga taoore, ti yënda na n yu arzãn biiga, t'a maan arzãnã koam tuumã n tug n kã arzãnã.

النجاة الخيرية
ALNAJAT CHARITY

